



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU HRVATSKE SELJAČKE STRANKE

Broj: 03-07-6-430/12  
Sarajevo, 19. novembar 2012. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI .....	5
5.2 PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske seljačke stranke za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Hrvatska seljačka stranka nije ispoštovala odredbe člana 11. stav (3) i stav (4) Zakona o finansiranju političkih stranaka jer izvještaj nije popunila u skladu sa Pravilnikom o godišnjim finansijskim izvještajima političkih stranaka i nije dostavila dodatnu finansijsku dokumentaciju.**

**Pregledom, odnosno kontrolom godišnjeg finansijskog izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske seljačke stranke za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska seljačka stranka ostvarila je prihode u iznosu 2.020,00 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u ukupnom prihodu %
1	Članarina	30,00	1,49%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	1.990,00	98,51%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	<b>Ukupni prihodi:</b>	<b>2.020,00</b>	<b>100,00%</b>

Prema podacima iz godišnjeg finansijskog izvještaja Hrvatska seljačka stranka iskazala je rashode u iznosu 1.061,00 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska seljačka stranka. Skraćeni naziv: HSS.

Politička stranka je registrovana 13.09.2010. godine u Općinskom sudu u Mostaru, broj upisa R/5-10. Sjedište političke stranke je u Mostaru, Kralja Petra Krešimira IV L-5.

Lice ovlašteno za zastupanje stranke je Mario Karamatić, predsjednik stranke.

Lice ovlašteno za podnošenje finansijskih izvještaja za 2011. godinu je Tvrtko Milović.

Prema podacima iz finansijskog izvještaja, Hrvatska seljačka stranka nema organizacione dijelove nižeg nivoa (entitetske, kantonalne, općinske).

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Hrvatske seljačke stranke za 2011. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Hrvatska seljačka stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Hrvatske seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Služba za reviziju je izvršila pregled godišnjeg finansijskog izvještaja Hrvatske seljačke stranke za 2010. godinu i izdala izvještaj o pregledu sa mišljenjem revizora da je stranka dostavila izvještaj u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

### **5. NALAZI I PREPORUKE**

#### **5.1 NALAZI**

**Hrvatska seljačka stranka je prekršila odredbe člana 11. stav (3)<sup>1</sup> i stav (4)<sup>2</sup> Zakona o finansiranju političkih stranaka.**

Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06), što je suprotno odredbama člana 11. stav (3) Zakona o finansiranju političkih stranaka.

Stranka nije dostavila godišnji obračun uz finansijski izvještaj, što je suprotno odredbama člana 4. Pravilnika o godišnjim finansijskim izvještajima političkih stranaka.<sup>3</sup>

---

<sup>1</sup> U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

<sup>2</sup> Politička stranka je obavezna da podnese i dodatne finansijske izvještaje koje zatraži Centralna izborna komisija Bosne i Hercegovine.

<sup>3</sup> U skladu sa članom 4. Pravilnika o godišnjim finansijskim izvještajima političkih stranaka, stranka je bila obavezna uz finansijski izvještaj dostaviti i godišnji obračun, ovjeren od nadležne institucije BiH.

Hrvatska seljačka stranka na zahtjev Centralne izborne komisije Bosne i Hercegovine nije dostavila dodatnu dokumentaciju za 2011. godinu, čime je postupila suprotno odredbama člana 11. stav (4) Zakona o finansiranju političkih stranaka.

Centralna izborna komisija BiH je zahtjevom br. 03-07-6-430-2/12 od 18.06.2012. godine od ove političke stranke zatražila da dostavi dokaze o vlasništvu nad nekretninom po osnovu koje je stranka ostvarila prihode, kopije izvoda sa transakcijskog računa stranke, godišnji obračun za 2011. godinu i podatke o poslovnom prostoru.

S obzirom da stranka nije postupila po navedenom zahtjevu, te nije dostavila traženu dokumentaciju, Centralna izborna komisija BiH je dana 04.09.2012. godine, uputila urgenciju za dostavljanje dodatne dokumentacije.

Hrvatska seljačka stranka nije postupila po zahtjevu, niti po urgenciji, odnosno nije dostavila traženu dokumentaciju za 2011. godinu.

S obzirom da politička stranka nije dostavila dodatnu dokumentaciju i godišnji obračun, propisan članom 4. Pravilnika, nije bilo moguće utvrditi dali politička stranka ima imovinu u svom vlasništvu, po osnovu koje je u finansijskom izvještaju iskazala prihod u visini 1.990,00 KM.

Prilikom izrade izvještaja, Služba za reviziju se oslanjala na podatke prikupljene iz drugih izvora (podatke o uplatama sredstava iz budžeta svih nivoa vlasti u Bosni i Hercegovini i podatke iz jedinstvenog registra računa kod Centralne banke BiH).

## **5.2. PREPORUKE**

***Preporučuje se političkoj stranci Hrvatskoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijske izvještaje podnosi Centralnoj izbornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka i***
- ***da postupa u skladu sa odredbama člana 11. stav (4) Zakona o finansiranju političkih stranaka, odnosno da dostavlja i podnosi i druge izvještaje koje od nje zatraži Centralna izborna komisija Bosne i Hercegovine.***

## **KOMENTAR**

Hrvatska seljačka stranka nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2011. godinu koji je stranci dostavljen 18.10.2012. godine.

Mr. Hasida Gušić, šef Službe za reviziju

Anela Burdžović Kapić, pomoćnik revizora